

Verum est anima, itidem & in hoc. Est namque pars quædam animæ, qua oblectamur, quæ, simul atque res prolatæ sunt, exerceatur: ideo nulla voluptas est ortus. Verum & conuersio (inquit) in naturam: quæ sub sensu cadit. Nam non conuentibus fere in naturam, voluptas est. Siquidem conuentendo naturæ egestatem, fit exatratio. At vt diximus, fieri potest ut sine villa egestate fiat oblectatio. Siquidem egestas, ægritudo. At circa ægritudinem, dicimus posse aliquem oblectari: & proinde non fuerit voluptas, egestatis conuersio. Indignum nanque in huiusmodi voluptatibus nihil. Proinde si ideo quod ortus est, voluptas bonum esse existimet, nullaq. est voluptas ortus, bonum utiq. fuerit voluptas. Præterea quod non omnis (inquit) voluptas bonum, quispiam id deprehendereit hoc pacto: Nam quia bonum in omnibus dicitur esse prædicamentis, nempe in essentia, & in ad aliquid, & in quanto, & quādo, ac in totum in omnibus: illud quoque manifestum, per omnia voluptatem aliquam comitari. Proinde enim quia in omnibus prædicamentis est bonum, etiam voluptas fuerit bonum. Et proinde quoniam in his quidem per se bona, etiam voluptas fuerit per se bonum. Atqui à bonis voluptas, est voluptas: bonum ergo fuerit omnis voluptas. Simul certum hinc etiam differre inter se specie voluptates, quandoquidem differunt etiam prædicamenta, in quibus est voluptas. Neque enim est, quemadmodum in scientiis, ut grammatica, vel quacunque alia. Non si Lamprus grammaticam habet, & ita afficiatur hic grammaticus ab hac grammatica, ut quivis alius habens grammaticam, non sint nimirum duæ grammaticæ diversæ quæ in Lampro, & quæ in Ieo. At in voluptate, non ita. Nam quæ ex ebrietate voluptas, & quæ ex copulatu, non eodem modo afficiunt: quam ob rem specie inter se distingu videbuntur voluptates. Cæterum quia sunt & malæ voluptates, etiam ob hoc voluptas bonum non esse videbatur. At id voluptatis minimè propriū iudicium est, sed naturæ, atque scientiæ. Nam est & natura mala, sicut vermium, & crabronum, ac prorsus vilium animalium: nec tamen ob hoc, natura malorum. Eodem modo habent & malæ scientiæ, sicut sedentariæ: nec tamen ob hoc, malum scientia est, sed genere bonum tamscientia, quæ in natura.

የዚህ የሚከተሉት ስምዎች እና በኩል ተከራክሩ ተስተካክለዋል